

【五佛】（科註第868頁倒數第4行第402集2012年6月29日）  
《佛學大辭典》「五智如來」條：（名數）金剛界五智所成之五如來也。

一、大日如來，法界體性智所成。

二、阿闍<sup>不文</sup>（音觸）如來，大圓鏡智所成。

三、寶生如來，平等性智所成。

四、無量壽如來，妙觀察智所成。

五、不空成就如來，成所作智所成。

菩提心論曰：

「東方阿闍佛因成大圓鏡智，亦名金剛智也。

南方寶生佛由成平等性智，亦名灌頂智也。

西方阿彌陀佛由成妙觀察智，亦名蓮華智，亦名轉法輪智也。

北方不空成就佛，由成成所作智，亦名羯磨智也。

中方毗盧遮那佛，由成法界智。」

【五智】（科註第868頁倒數第4行第403集開講2012年6月30日）

《佛學次第統編》：五智者，大圓鏡智、平等性智、妙觀察智、成所作智、法界體性智。

一、大圓鏡智：第八阿賴耶識，在於因位，含藏染淨之種子，以生一切法之現行，至於果位，轉而成照一切法而現其影像之智，故喻曰大圓鏡智。

二、平等性智：因位之第七末那識，與我癡、我見、我慢、我疑，四煩惱相應，而任運執我他、彼此之差別，為此差別之

執故，則第八識受染污，前六識亦受染污，及至果位，轉而為緣一切法平等性，即真如實相之智，故曰平等性智。

三、妙觀察智：第六意識，在於因位，緣有為無為之一切法而觀察之，故至果位，轉而成妙觀察智。

四、成所作智：前五識在於因位，緣取現量五塵之境界而成所作，故至果位，轉而成化他事業之智，故曰成所作智。

五、法界體性智：第九識在因位，為八識之總體。八識者，第九識之別作用也，至果位轉而為世間出世間等之一切法體性智，故名法界體性智。

### ○第九識——菴摩羅識

《佛學大辭典》：（術語）又作阿摩羅識，阿末羅識。譯曰清淨識，無垢識，真如識等。九識中之第九。金剛三昧經曰：「諸佛如來，常以一覺而轉諸識，入菴摩羅。」輔行三之一曰：「菴摩羅九識，名清淨識。」宗鏡錄五十六曰：「阿摩羅，翻無垢識，體非一異，名真如識。」舊譯家以為阿賴耶識之外別有此識，而建立九識，新譯家謂此是阿賴耶識果上之名，不別立此識。〔下略〕